



14
1544
131



14
1544
131

全五代詩卷四十五

羅江李詞元雨村 編

前蜀

張 蠙

蠙字象文清河人登乾寧二年進士第為校書

郎樛陽尉犀浦令王建開國拜膳部員外郎終

金堂令

十四年秋後主行奉太后時大慈寺見壁間題句云瑞興細雨五嶽草水而迴風飛卷花太后深加欣賞願問寺僧以蠙對乃與霞光賦云白龍金馬所乘詩以進蠙以二百首獻附蠙重之將名為知制誥元雨以其輕傲止之蠙明白金而罷蠙生而顯考幼能為詩成通時與薛平李德裕之類蠙任濤吳軍同縣蠙谷李棣遂滋

蠙字象文清河人登乾寧二年進士第為校書郎樛陽尉犀浦令王建開國拜膳部員外郎終金堂令十四年秋後主行奉太后時大慈寺見壁間題句云瑞興細雨五嶽草水而迴風飛卷花太后深加欣賞願問寺僧以蠙對乃與霞光賦云白龍金馬所乘詩以進蠙以二百首獻附蠙重之將名為知制誥元雨以其輕傲止之蠙明白金而罷蠙生而顯考幼能為詩成通時與薛平李德裕之類蠙任濤吳軍同縣蠙谷李棣遂滋蠙字象文清河人登乾寧二年進士第為校書郎樛陽尉犀浦令王建開國拜膳部員外郎終金堂令十四年秋後主行奉太后時大慈寺見壁間題句云瑞興細雨五嶽草水而迴風飛卷花太后深加欣賞願問寺僧以蠙對乃與霞光賦云白龍金馬所乘詩以進蠙以二百首獻附蠙重之將名為知制誥元雨以其輕傲止之蠙明白金而罷蠙生而顯考幼能為詩成通時與薛平李德裕之類蠙任濤吳軍同縣蠙谷李棣遂滋

全五代詩卷四十五

羅江李調元雨村 編

前蜀

張 蟻

蟻字象文清河人登乾寧二年進士第為校書

郎櫟陽尉犀浦令王建開國拜膳部員外郎終

金堂令

十國春秋後主衍奉太后遊大慈寺見壁間題句云牆頭細雨垂纖草水面迴風聚落花太后深加欣賞願問寺僧以蟻

對乃賜霞光殿五百幅令寫所業詩以進蟻以二百首獻衍頗重之將召為知制誥宋光嗣以其輕傲止之僅賜白金而罷蟻生而顏秀幼能

為詩咸通時與張喬許棠喻垣之劇燕任濤吳宰周繇鄭谷李棲遠濕憲李昌符謂之十哲作登單于臺有白地中出黃河天外來之句為

世所稱後村詩話張蟻共看今夜月獨作異鄉人善狀雖別者塞深行客少家遠識人稀善狀邊情者又宮詞日透珠簾云云最為人所傳

全五代詩

卷四十五

前蜀

一

誦徐獻忠曰蟻詩稍通格調力去補衲之弊遂不復用事然天才本少英旨未奇至於寫物象情乃多肖似

華陽道者

華陽洞裏持真經
心嫌來客風塵腥
惟餐白石過白日
擬騎青竹上青冥
翔螭豈作漢武駕
神娥徒降燕昭庭
長生不必論貴賤
却是幽人骨主靈

送成州牧

清時為塞郡
自古有儒流
素望知難愜
新恩且用酬
犬牙連蜀國
兵額貫秦州
祇作三年別
誰能聽邑留

送徐州薛尚書

上將出儒中
論詩擬立功
州從禹後別
軍自漢來雄
遠

驛銷寒日嚴城蕭暮空
龍顏有遺廟猶得奠英風

送緡雲尉

釋褐從仙尉之官興若何
去程唯水石公署在雲蘿
野飯樓中迴晴峯案上多
三年罷趨府應更戰高科

送友人赴涇州幕

杏林沈飲散榮別就佳
招日月相期盡山川獨去
遙府樓明蜀雪關
磧轉胡鷗縱有煙塵動
應隨上策銷

逢漳州崔使君北歸

在郡多殊稱無人不望回
離城攜客去度嶺擔猿來
障寫經冬藥瓶絨落暑梅
長安有歸宅歸見鎖青苔

亂中寄友人

別來難覓信何處避艱危鬢黑無多日塵清是幾時人
情將厭武王澤即興詩若便懷深隱還應聖主知

哭建州李員外

詩名不易出名出又何為捷到重科早官終一郡卑素
風無後嗣遺跡有生祠自罷羊公市溪猿哭舊時

題紫閣院

上方人海外苔徑上千層洞壑有靈藥房廊無老僧古
巖雕素像喬木挂寒燈每到思修隱將回苦不能

白菊

秋天木葉乾猶有白花殘舉世稀裁得豪家却畫看片
苔相應綠諸卉獨宜寒幾處攜佳客登高欲折難

新竹

新鞭暗入庭初長兩三莖不是他山少無如此地生垂
梢叢上出柔葉籜間成何用高唐峽風枝掃月明

和友人送趙能卿東歸

一第時難得歸期日已過相看元鬢少共憶白雲多楚
澗天垂草吳空月上波無人不有遇之子獨狂歌

寄法乾寺令諲太師

師居中禁寺外請已無緣望幸唯修偈承恩不亂禪院

多喧種藥池有化生蓮何日龍宮裏相尋借法船

贈道者

得道疑人識都城獨閉關頭從白後黑心向關中閑飢渴唯調氣兒孫亦駐顏始知仙者隱殊不在深山

雨

半夜西亭雨離人獨啓關桑麻荒舊國雷電照前山細滴高槐底簌聲疊漏間唯應孤鏡裏明月長愁顏

盆池

圓內陶化功外絕衆流通選處離松影穿時滅藥叢別疑天在地長對月當空每使登門客煙波入夢中

和崔監丞春遊鄭僕射東園

春興隨花盡東園自養閒不離三畝地似入萬重山白鳥穿蘿去清泉抵石還豈同秦代客無位隱商顏

送友人及第歸

家林滄海東未曉日先紅作貢諸蕃別登科幾國同遠聲魚呷浪層氣蜃迎風鄉俗稀攀桂爭來問月宮

羅二字

一本題下有新

登單于臺

邊兵春盡迴獨上單于臺白日地中出黃河天外來沙翻痕似浪風急響疑雷欲向陰關度陰關曉不開

寄友人

戀道復何如東西遠索居長疑即見面翻致久無書向
麥深藏雉淮苔淺露魚相思不我會明月幾盈虛

過蕭關

出得蕭關北儒衣不稱身隴狐來試客沙鷗下欺人曉
戍殘烽火晴原起獵塵邊戎莫相忌非是霍家親

葦

叢叢寒水邊曾折釣魚船忽與亭臺近翻嫌島嶼偏花
明無月夜聲急正秋天遙憶巴陵渡殘陽一望烟

送董卿赴台州

九陌除書出尋僧問海城家從中路挈吏隔數州迎夜
蚌侵燈影春禽雜櫓聲聞圖覓異跡思上石橋行

將之京師留別親友

達命何勞問西遊且自期至公如有日知我豈無時野
迴蟬相答堤長柳對垂酣歌一舉袂明發不堪思

贈別山友

從容無限意不獨為離群年長驚黃葉時清厭白雲舊
山迴馬見寒瀑別家聞相與存吾道窮通各自分

宿山驛

驛在千峯裏寒宵獨此身古墳時見火荒壁悄無隣月

白翻驚鳥雲開欲就人祇應明月鬢更與老相親

宿開照寺光澤上人院

靜室譚元旨清宵獨細聽真身非有像至理本無鐘
定遙聞水樓高別見星不教人觸穢偏說此山靈

塞下曲

邊事多更變天心亦為夏胡兵來作寇漢將也封侯夜
燒衝星赤寒塵翳日愁無門展微畧空上望西樓

邊將二首

按劍立城樓西看極海頭承家為上將開地得邊州
磧迴兵難伏天寒馬易收朔風一度獵吹裂錦貂裘

歷戰燕然北功高劍有感聞名外國懼輕命故人稀
角怨星芒動塵愁日色微從為漢都尉未得脫征衣

朔方書事

秋盡角聲苦逢人唯荷戈城池向隴少岐路出關多
雁遠行垂地烽高影入河仍聞黑山寇又覓漢家和

經荒驛

古驛成幽境雲蘿隔四鄰夜燈移宿鳥秋雨禁行人
廢巷荆叢合荒庭虎跡新昔年經此地終日是紅塵

遇道者

數里白雲裏身輕無履踪故尋多不見偶到却相逢
古

井生雲水高壇出異松
聊看杏花酌便似換顏容
送人歸南中

有家誰不別經亂獨難尋
遠路波濤惡窮荒雨露深
燒鷺山象出雷觸海鼉沉
為問南遷客何人在瘴林

途次績溪先寄陳明府

入境風烟好幽人不易傳
新居多是客舊隱半成仙
山斷雲衝騎溪長柳拂船
何當許過縣聞有篋中篇

雲朔逢山友

會面却生疑居然似夢歸
塞深行客少家遠識人稀
戰馬分旗牧鷺禽
曳箭飛將軍雖異禮難便脫麻衣

野泉

遠出白雲中長年聽不同
清聲繁亂石寒色入長空
挂壁聊成雨穿林別起風
溫泉非爾數源發在深空

薊北書事

度磧如經海茫然但見空
戍樓承落日沙塞礙驚蓬
暑過燕僧出時平虜客通
逢人皆上將誰有定邊功

貽曹郎中

所作高前古封章自由臺
細看明主意終用出人才
省邸尋僧鎖書樓領鶴開
南山有舊友時向白雲來

別後寄友生

上馬如飛鳥飄然隔去塵共看今夜月獨作異鄉人就
養江南熟移居并賦新襄陽曾卜隱應與孟家鄰

邊遊別友人

欲別不止淚當杯難強歌家貧隨日長身病涉寒多雨
雪迷燕路田園隔楚波良時未自致歸去欲如何

邊庭送別

一生雖達理遠別亦相悲白髮無修處青松有老時暮
烟傳戍起寒日隔沙垂若是長安去何難定後期

送友人歸武陵

聞近桃源住無村不是花戍旗招海客廟鼓集江鴉別

鳥盡橙實閑田長荻花遊秦未得意看即更離家

弔孟浩然

每每樵家說孤墳亦夜吟若重生此世應更苦前心名
與襄陽遠詩同漢水深親栽鹿門樹猶蓋石牀陰

次韻和友人冬月書齋

四季多花木窮冬亦不凋薄冰行處斷殘火睡來消象
版簽書帙蠻藤絡酒瓢公卿有知己時得一相招

過山家

避暑得探幽忘言遂久留雲深窗失曙松合徑先秋響
谷傳人語鳴泉洗容愁家山不在此至此可歸休

宿山寺

中峰半夜起忽覺有青冥此界自生雨上方猶有星樓
高鐘尚遠殿古像多靈好是潺湲水房房半誦經

鄭轅補闕山松

心將積雪欺根與白雲離遠寄僧猶憶高看鶴未知影
交新長葉皺匝舊生枝多少同時種深山不得移

贈棲白太師

剃髮得時名僧應別應星偶題皆有詔閑論便成經掃
葉寒燒鼎融冰曉注瓶長因內齋出多客叩禪扃

贈聞一上人

見面雖年少聞名似白頭元談窮釋旨清思遠詩流果
落痕生砌松高影上樓壇場在三殿應召入焚修

贈可倫上人

師教本於空流來不自東修後多劫後行出衆人中衲
冷湖山雨幡輕海甸風游吳累夏講還與虎溪同

寄太白禪師

何年萬仞頂獨有坐禪僧客上應無路人傳或見燈齋
廚唯有椽講石任生藤遙想東林社如師誰復能

費徵君舊居

浮世拋身外棲蹤入九華遺篇補樂府舊籍隸仙家池

靜龜昇樹庭荒鶴隱花古來天子命還少到煙霞

送友尉蜀中

故友漢中尉請為西蜀吟人家多種橘風土愛彈琴水
向昆明關山通大夏深理閑無別事時寄一登臨

送南海僧遊蜀

真修絕故鄉一衲度暄涼此世能先覺他生豈再忘定
中船過海臘後路沿湘野迴鴉隨笠山深虎背囊瀑流
垂石室蘿蔓蓋銅梁却後何年會西方有上房

和友人許裳題宣平里古藤

欲結二年茂生來使近松迸根通井潤交葉覆庭穠歷

代頻更主盤空漸變龍晝風圓影亂宵雨細聲重益密
勝丹桂層危類遠峯嫩條懸野鼠枯節叫秋蛩翠老霜
難蝕皴多辭下封幾家遥共翫何寺不堪容客對忘離
榻僧看誤過鐘頃因陪預作終夕遶枝筇

送薛郎中赴江州

幾州聞出刺謠美有江民正面傳天旨懸心禱岳神尺
書先假路紅旆旋燒塵郡顯山川別衙開將吏新散招
僧坐暑閑載客行春聽事甚忘着探題酒亂巡好編高
隱傳多貌上昇真近日居清近求人在此人

送翰林張侍郎

舉家貧拾海邊樵來認仙宗在碧霄丹穴雖無凡羽翼
靈椿還向細枝條九衢馬識他門少十載身辭故國遙
願與吾君作霖雨且應平地活枯苗

投翰林蕭侍郎

九仞墻邊絕路岐野才非合自求知靈湫豈要魚棲浪
仙桂那容鳥寄枝纖草不銷春氣力微塵還助岳形儀
從來為學投文鏡文鏡如今更有誰

贈信安太守

三衢正對福星時喜得君侯紗撫綏甲士散教耕墾畝
書生閑許從旌旗條章最是貧家喜禾黍仍防別郡饑

昨日中官說天意即飛丹詔立新碑

贈南昌宰

假邑邀真邑命分明庭元有至公存每鋤奸孽同荆棘
唯撫孤憫似子孫折獄不曾偏下筆靈襟長是大開門
新銜便合兼朱紱應待蒼生更舉論

贈邱衙推

仙都高處掩柴扉人世聞名見者稀詩逸不拘凡對屬
易窮皆達聖元微偶攜童稚離青嶂便被君侯換白衣
任醉賓筵莫深隱綺羅絲竹勝漁磯

獻所知二首

十五年看帝里春一枝頭白未酬身自聞離亂開公道
漸數孤貧少屈人劣馬再尋高嶺路扁舟重寄越溪濱
省郎門似龍門峻應借風雷變涸鱗
跡熟荀家見弟兄九霄同與指前程吹噓漸覺馨香出
夢寐長疑羽翼生住僻驂騑皆識路來頻鸚鵡亦知名
登龍不敢懷他願祇望為霖致太平

下第述懷

十載長安跡未安杏花還是看人看名從近事方知險
詩到窮元更覺難世薄不慚雲路晚家貧唯怯草堂寒
如何直道為身累坐月眠霜思枉乾

喜友人日南迴

南遊曾去海南涯此去遊人不易歸白日霧昏張夜燭
窮冬氣暖著春衣溪荒毒鳥隨船啖洞黑冤蛇出樹飛
重入帝城何冥冥共迴遷客半輕肥

長安春望

明時不敢卧煙霞又見秦城換物華殘雪未銷雙鳳闕
新春已發五侯家甘貧祇擬長緘酒忍病猶期強採花
故國別來桑柘盡十年兵踐海西艖

過黃牛峽

黃牛來勢瀉巴川疊日孤舟逐峽前雷電夜驚猿落樹

波濤愁恐客離船盤過逆入嵌空地斷壁高分繚繞天
多少人經過此去一生魂夢怕潺湲

逢道者

縱意出山無遠近還如孤鶴在空虛昔年親種樹皆老
此世相逢人自疎野葉細芭深洞藥崖蘿間束古仙書
祇尋隱跡歸何處方說烟霞不定居

邊情

窮荒始得靜天驕又說天兵擬渡遼聖主尚嫌蕃界近
將軍莫恨漢庭遥草枯朔野春難發水結河源夏半銷
惆悵臨戎皆効國豈無人似霍嫫姚

贈李司徒

承家拓定隴關西勳貴名應上將齊金庫夜開龍甲冷
玉堂秋閉鳳笙低歡筵每怨嬌娥醉閑榭猶驚戰馬嘶
長怪魯儒頭枉白不親弓劍覓丹梯

送盧尚書赴靈武

西北正傳烽候急靈州共喜信臣居從軍盡是清才去
屬郡無非大將除新地進圖移漢畧古城遺碣見蕃書
山川不異江湖景賓館常聞食有魚

宴駙馬宅

牙香禁樂鎮相攜日日君恩降紫泥紅藥院深人半醉

綠楊門掩馬頻嘶座中古物多仙意
辭上新詩有御題
別向庭蕪寘吟石不教宮妓踏成蹊

邊將

上馬乘秋欲建勳飛弧夜闕出師頻
若無紫塞煙塵事
誰識青樓歌舞人
戰骨沙中金鏃在
賀筵花畔玉蟬新
由來邊卒皆如此
只是君門合殺身

贈水軍都將

平生為有安邦術
便別秋曹最上階
戰艦却容儒客卧
公廳唯伴野僧齋
裁書謝迴冰膠筆
養樂堂深薜蘿鞋
直待門前見幢節
始應高慳聖君懷

贈九江太守

江頭暫駐木蘭船
漁父來誇太守賢
二邑旋添新戶口
四營漸廢舊戈鋌
笙歌不似經荒後
禮樂猶如未戰前
昨日西亭從游騎
信旗風裏說詩篇

贈江都鄭明府

他人豈是稱才術
才術須觀力有餘
兵亂幾年臨劇邑
公清終日似閑居
牀頭怪石神仙畫
篋裏華笺將相書
更欲棲蹤近彭澤
香爐峯下結茅廬

夏日題老將林亭

百戰功成翻愛靜
侯門漸欲似仙家
墻頭細雨垂纖草

水面風回聚落花，井放輻轡閑浸酒。籠開鸚鵡報煎茶，
幾人圖在淩煙閣，曾不交鋒向塞沙。

南康夜宴東溪留別郡守陸郎中

飄然野客才無取，多謝君侯獨見知。竹葉樽前教駐樂，
桃花紙上待君詩。香迷蛺蝶投紅燭，舞拂蒹葭倚翠帷。
明發別愁何處去，片帆天際酒醒時。

言懷

十載聲沈覺自非，賤身元合衣荷衣。豈能得路陪先達，
却擬還家望少微。戰馬到秋長淚落，傷禽無夜不魂飛。
平生祇學穿楊箭，更向何門是見機。

錢塘夜宴留別郡守

四方騷動一州安，夜列罇罍伴客歡。感粟調高山閣迥，
蝦蟆更促海城寒。

郝天挺云江南以木
析罇夜曰蝦蟆更

屏間佩響藏歌妓，幕外

刀光立從官沈醉，不愁歸棹遠。曉帆吹上子陵灘。

不幸見
此世界

猶以為
歡樂耶

觀江南牡丹

此地花開南地風，寄根還與客心同。羣芳盡怯千般態，
幾醉能消一番紅。舉世祇將華勝實，真禪元喻色為空。
近年明主恩王道，不許新栽滿六宮。

十五夜與友人對月

每到月圓思共醉不宜同醉不成歡一千二百如輪夜
浮世誰能得盡看

青塚

傾國可能勝效國無勞冥冥更思回太真雖是承恩死
祇作飛塵向馬嵬

古戰場

荒骨潛銷壘已平漢家曾說此交兵如何萬古冤魂在
風雨時聞有戰聲

贈鄭司業

晚學更求來世達正懷非與百邪侵古人多在今人口

不合于名不苦心

上所知

初向衆中留姓氏敢期言下致時名而今馬亦知人意
每到門前不肯行

別鄭仁表

春雷醉別鏡湖邊官顯才狂正少年紅燭滿汀歌舞散
美人迎上木蘭船

自諷

鹿鳴筵上強稱賢一送離家十四年同隱海山燒藥伴
不求丹桂却登仙

傷賈島

生為明代苦吟身死作長江一逐臣
可是當時少知己不知知己是何人

再遊西山贈許真師

別後已聞師得道不期猶在此山頭
昔時霜鬢今如漆疑是年光却倒流

經范蠡舊居

一變姓名離百越越城猶在范家無
他人不見扁舟意却笑輕生泛五湖

龜山寺晚望

四面湖光絕路歧鷓鴣飛起暮鐘時
漁舟不用懸帆席歸去乘風插柳枝

華山孤松

石罅引根非土力冒寒猶助岳蓮光
綠槐生在膏腴地何得無心拒雪霜

長安寓懷

九衢秋雨掩閑扉不似干名似息機
貧病却慙牆上土年來猶自換新衣

贈段逸人

長筇自擔藥兼琴話著名山即擬尋
從聽世人權似火

不能燒得卧雲心

言懷

不將高蓋竟煙塵
自向蓬茅認此身
唐祖本來成大業
豈非姚宋是平人

叙懷

月裏路從何處上
江邊身合幾時歸
十年九陌寒風夜
夢掃蘆花絮客衣

抒懷

幾出東堂謝不才
便甘間望故山迴
翻思未是離家久
更有人從外國來

宮詞

日透珠簾見冕旒
六宮爭逐百花毬
迴看不覺君王去
已聽笙歌在遠樓

題嘉陵驛

嘉陵路惡石和泥
行到長亭日已西
獨倚欄干正惆悵
海棠花裏鷓鴣啼

弔萬人塚

兵罷淮邊客路通
亂鴉來去噪寒空
可憐白骨攢孤塚
盡為將軍覓戰功

全五代詩卷四十六

羅江李調元雨村

編

前蜀

李搏

搏前蜀王建時人

漁洋五代詩話蜀藝文志裴廷裕蜀中登第搏以詩賀之云云又戲贈云云廷裕答

詩有何勞問我成都事一報君知便納降之句見廷裕詩中

賀裴廷裕登第

銅梁千里曙雲開
仙籍新從紫府來
天上已張新羽翼
世間無復舊塵埃
嘉祥果叶君平卜
賀喜須斟卓氏杯
應笑戎藩刀筆吏
至今泥滓曝魚腮

全五代詩

卷四十六

前蜀

又戲贈

曾隨流水化凡鱗
安上門前一字新
聞道蜀江風景好
不知何似故園春

李珣

珣字德潤梓州人王衍昭儀舜弦夫人之兄為

蜀秀才嘗與賓客有瓊瑤集

十國春秋珣以詞為後主所賞有浣溪沙詞云早

為不逢巫峽夜那堪虛度錦江春詞家互相傳誦 碧雞漫志唱馱子調徵老六屯田員外郎馮敏景德三年為開封府界宿吏日洛忽見三婦人過店前入西畔古佛堂散料其鬼也携童王侃就之延坐飲酒二十六舅母者請王侃歌送酒二女側聽十四姨者曰何名也侃對曰唱馱子十四姨曰非也此曲單州營妓教頭葛大娘所撰新聲梁祖作四鎮時駐兵魚臺值十月二十一日生日大娘獻之梁祖令李琪詞付後騎唱之以押馬隊因謂葛大娘及戰得勝日始流傳河北軍中競唱以押馬隊故說曰唱馱子莊皇入洛有歌此曲者謂左右曰此亦古曲葛

代但更五七散耳李珣瓊瑤集有鳳臺曲注云俗謂之唱馱子不載何宮調今世羽調宮有慢句讀與古不類耳 周密云李珣歐陽炯俱蜀人各製南卿子數首以誌風土亦竹枝體也珣詞云一歸路近扣舷歌采真珠處水風和曲岸小橋山月過烟深鎖豆蔻花垂千萬朵二乘綵舫過蓮塘擢歌驚起睡鴛鴦帶香遊女偎伴笑爭窈窕競折團荷遮晚照三沙月靜水烟輕菱荷香裏夜船行綠鬢紅臉誰家女遙相顧緩唱擢歌極浦去四漁市散渡船稀越南雲樹望中微行客待朝天欲暮送春浦愁聽猩猩啼瘴雨五相見處晚晴天刺桐花下越臺前暗裏回眸深屬意暈雙翠騎象背人先過水六携籠去采菱歸碧波風起雨霏霏趁岸小船齊擢急羅衣溼出向桃根树下立七登畫舸泛清波采蓮時唱采蓮歌蘭棹撥齊羅袖斂池光點驚起沙鷗八九點八山果熟水花香家家風景有池塘木蘭舟上珠簾卷歌教遠椰子酒傾鸚鵡醜

漁父歌

水接衡門十里餘
信船歸去卧看書
輕爵祿慕元虛
莫道漁人只為魚

避世垂綸不記年
官高爭得似君閑
傾白酒對青山笑

全五代詩

卷四十六

前蜀

二

指柴門待月還

掉驚鷗飛水賤袍影侵潭面柳垂條終日醉絕塵勞曾
見錢塘八月濤

薛昭蘊

昭蘊王衍時官至侍郎

浣溪沙曲

紅蓼渡頭秋正雨印沙鷗跡自成行整鬢飄袖野風香
不語含顰深浦裏幾回愁煞櫂船郎燕歸帆盡水茫茫
魏承班

承班宏夫之子宏夫為王建養子賜姓名王宗

弼封齊王承班為駙馬都尉官至太尉

春曉曲

寂寂畫堂梁上燕高卷翠簾橫數扇一庭春色惱人來
滿地落花紅幾片愁倚錦屏低雪面淚滴繡羅金縷線
好天涼月盡傷心為是玉郎長不見
輕歛翠蛾呈皓齒鶯轉一枝花影裏散散清迴過行雲
寂寂畫梁塵暗起玉笋滿斟情未已促坐王孫公子醉
春風筵上貫珠勻豔色韶顏嬌旖旎

尹鶚

鶚成都人事王衍為翰林校書累官至參卿全唐詩鶚

工小詞有滿宮花云月沉沉人悄悄一柱後庭香嫋風流帝子不歸來
滿地禁花慵掃離恨多相見少何處醉迷三島漏清宮樹子規啼愁鎖
碧意春曉蓋傷蜀之亡也十國春秋鸚與李珣友善珣本波斯種鸚性
最狡黠珣也滑稽常作詩嘲之珣名為頓捐鸚

春閨怨

暮烟籠蘚砌戟門猶未閉盡日醉尋春歸來月滿身離
鞍偎繡袂墜巾花亂綴何處惱佳人檀痕衣上新

樂府

雲雨常陪勝會笙歌慣逐閒遊錦里風光應占玉鞭金
勒驂騮戴月潛穿深曲和香醉脫輕裘方喜正同鴛帳
又言將往皇州每憶良宵公子伴夢魂長掛紅樓欲表傷
離情味丁香結在心頭

劉隱辭

隱辭仕蜀為王宗憲掌書記

十國春秋王宗憲鎮寧江
日辟劉隱辭為節度掌書

記宗憲武人多為恣橫隱辭諫不聽遂詠白盞山灩澦堆
詩刺之云云宗憲聞而發怒將殺之已而舍之遂遁去

白盞山

占斷瞿塘一峽烟色峯迴出眾峯前都緣頑梗擅浮世
遮莫崢嶸倚半天有樹只知引鳥雀無雲不易駐神仙
假饒突兀高千丈爭及平平數畝田

灩澦堆

灩澦崔嵬百萬秋年年出沒幾時休未容寸土生纖草
能向當江覆巨舟無事便騰干丈浪與人長作一堆愁

都緣不似蟠溪石難使漢翁下釣鉤

楊義方

義方蜀山人

異聞錄蜀王建時楊義方能詞為春日詩云海邊紅日半離冰天外暖風輕到花贈王樞密云兩掖鞭自禁門出簇人從天上來十國春秋義方長于吟咏自謂才過羅隱常為春日詩云為人所稱許後主時九頭鳥見義方作詩云好惜羽毛還鬼窟莫由災害與蒼生以此為宋光嗣所害

偶題

一作章莊詩

亂世時偏促陰天日易昏無言搔白首憔悴倚東門

蒲禹卿

禹卿成都人自右補闕出為秦州節度判官

十國春秋

禹卿會後主東遊上表極諫及後主被誅禹卿痛哭題詩于驛門而遁

題驛門

我王銜璧遂稱臣何事全家并殺身漢捨子嬰名尚在魏封劉禪事猶新非干大國渾無識都是中原未有人獨向長安儘惆悵力微何路報君親

鄭藝

藝仕後主為翰林學士

十國春秋藝文辭敏瞻筆不加點其最著有武德軍節度使趙國公

徐延瓊碑銘蜀人往往傳誦焉其銘云云

趙國公徐延瓊碑銘

金行啟運鼎業鑿乾麟御瑞紀鳳舞昌年層潤浩注國祚遐延光凝寶匣福一祥編上詰繼文皇圖增煥得一

全五代詩

卷四十一

前蜀

五

踐義登三轉漢懿綱年龍大鑑真觀宗社還資微明接
旦大虛寥寥中有元精麗物為瑞麗人為英英徐公
為毗而生脂膏不染獄市無驚智勝兵強化行民附屢
立奇功繼膺寵數帝念徐公聿齊其務乃騰梓橦并有
饒賦公至若何時雨霽露枯苗耀穎洞轍騰波摧奸禁
暴剔弊止訛襁負而至動植興歌八政何先以食為天
卧鼓勸農免胄服田耒耜接肘鑿笠摩肩閭閻風靡稼
穡雲連眾害既去纖惡皆除頌宣化育慎恤刑書徽纏
自朽囹圄常虛輕徭薄斂政協蒲蘆老安少懷遠至邇
肅風雨時若家給人足戶溢版籍賦登公牘儲峙孔多

貢輸相屬神明之正誰為之師公之俱美福祿攸宜位
隆鳳沼恩注龍墀梓人訟德天子嘉之爰命荒墟奉揚
馨烈揚子神疲江生思絕涪水東注銅山西揭帶礪無
期永旌賢哲

唐 求

求王建時人

求其客話求居味江山王建名為參謀不就人謂
之唐隱居每入市騎一青牛至暮醺酣而歸非其

吟或咏有所得則將稿撫為丸內于大瓢中二十餘年
莫知其粉其贈送寄別之詩布于人口暮年因卧病索瓢致于江中曰
斯文苟不沉沒于水後之人得者方知我苦心耳漂至新渠江口有識
者云唐山詩歌也探得之已遭漂潤損壞十得其二三凡三千餘篇
行于世題鄭慶士隱居云數點石泉雨一溪霜葉風贈行如上云袖
補雲千片香焚篆一窠題青城山范賢觀云苔鋪翠點仙橋滑松織香
梢古道寒贈僧云雲間曉月應難染海上孤舟自任風夫草澤間有隱
逸得志者以經籍自娛詩酒怡情不耀文彩不揚姓名其題附苟且得

全五代詩

卷四十六

前蜀

六

無愧報唐山人乎 全唐詩話求有詩名如臨池洗研恰似有龍深處
卧被人驚起雲生又有漸寒沙上路欲暝水邊村亦佳句也 此夢
瑣言球詩思遊歷不出
二百里 按求一作球

曉發

旅館候天曙 整車趨遠程 幾處曉鐘斷 半橋殘月明
沙上鳥猶睡 渡頭人已行 去去古時道 馬嘶三兩聲

客行

上山下山去千里 萬里愁樹色 野橋暝雨聲 孤館秋南
北 眼前道東西 江畔舟世人 重金玉無金 徒遠游

題鄭處士隱居

不信最清曠 及來愁已空 數點石泉雨 一溪霜葉風 業

在有山處 道成無事中 酌盡一尊酒 病夫顏亦紅

贈著上人

掩門江上住 盡日更無為 古木坐禪處 殘星鳴磬時 水
澆冰滴滴 珠數落 晶皦自有閑行伴 青藤杖一枝

贈行如上人

不知名利苦 念佛老岷峨 衲補雲千片 香燒印一窠 恋
山人事少 伶客道心多 日日齋鐘後 高懸瀝水羅

送友人歸邛州

鶴鳴山下去 滿篋荷瑤琨 放馬荒田草 看碑古寺門 漸
寒沙上雨 欲暝水邊村 莫忘分襟處 梅花撲酒尊

和舒上人山居即事

敗葉填溪路殘陽過野亭仍彈一滴水更讀西張經
暝鳥烟中見寒鐘竹裏聽不多山下去人世盡羶腥

發邛州寄友人

茫茫驅一馬自嘆又何之出郭見山處待船逢雨時
曉鷄鳴野店寒葉墮秋枝寂寞前程去閑吟欲共誰

舟行夜泊夔州

維舟鏡面中迴對白鹽峰夜靜沙堤月天寒水寺鐘
故園何日到舊友幾時逢欲作還家夢青山一萬重

山東蘭若遇靜公夜歸

松門一徑微苔滑往來稀半夜聞鐘後渾身帶雪歸
問寒僧接杖辨語犬銜衣又是安禪去呼童閉竹扉

秋寄舒公

故人何處望秋色滿江瀆入水溪蟲亂過橋山路分
鶴歸松上月僧入竹間雲莫惜中宵磬從教夢裏聞

題楊山人隱居

深山道者家門戶帶烟霞綠綴沿巖草紅飄落水花
半庭栽小樹一徑掃平沙往往溪邊坐持竿到日斜

友人見訪不值因寄

門戶寒江近籬牆野樹深晚風搖竹影斜日轉山陰
砌

覺披秋草牀驚倒古琴更聞鄰舍說一隻鶴來尋

塗次偶作

歲月客中銷崎嶇力自招問人尋野寺牽馬渡危橋為
雨疑天晚因山覺路遙前程何處是一望又迢迢

送友人江行之廬山肄業

蜀國初開棹廬峰擬拾螢獸皮裁褥暖蓮葉製衣馨楚
水秋來碧巫山雨後青莫教銜鳳詔三度到中庭

贈道者

披霞戴鹿胎歲月不能催飯把琪花煮衣將藕葉裁鶴
從歸日養松是小時栽往往樵人見溪邊洗藥來

酬友生早秋

彤雲將欲罷蟬柳響如秋露散九霄近日程三伏愁殘
陽宿雨霽高浪碎沙渥祛足餘旬後分襟任自由

古寺

路傍古時寺寥落藏金容破塔有寒草壞樓無曉鐘亂
紙失經偈斷碑分篆蹤日暮月光吐繞門千樹松

馬嵬感事

冷氣生深殿狼星渡遠關九城輦鼓內千騎道途間鳳
髻隨秋草鑿輿入暮山恨多留不得悲淚滿龍顏

邊將

金五代詩

卷五

前蜀

九

三千護塞見，獨自滯邊陲。
老向二毛見，秋從一葉知。
地寒鄉思苦，天暮角聲悲。
却被交親笑，封侯未有期。

夜上隱居寺

尋師擬學空空住，虎溪東千里。
照山月一枝，驚鶴風年如流去。
水山似轉來，蓬盡日都無事。
安禪石窟中。

山居偶作

趨名逐利身，終日走風塵。
還到水邊宅，却為山下僧。
教開竹戶，客許戴紗巾。
且喜琴書在，蘇生未厭貧。

邛州水亭夜讌送碩非熊之官

寂寞邛城夜，寒塘對庾樓。
蜀關蟬已噪，秦樹葉應秋。
道

路連天，遠笙歌到曉愁。
不堪分袂後，殘月正如鉤。

題青城山范賢觀

數里緣山不厭難，為尋真訣問黃冠。
苔鋪翠點仙橋滑，松織香梢古道寒。
晝傍綠畦薺嫩，玉夜開紅竈撚新丹。
鐘聲已斷泉聲在，風動茅花月滿壇。

送僧講罷歸山

休將如意辯真空，吹盡天花任曉風。
共看玉蟾三皎潔，獨懸金錫一玲瓏。
巖間松桂秋烟白，江上樓臺晚日紅。
依舊曹溪念經處，野泉聲在草堂東。

題友人寓居

全五代詩 卷四
寓居無不在天涯莫恨秦關道路賒繚繞城邊山是蜀
彎環門外水名巴黃頭卷席賓初散白鼻嘶風日欲斜
何處一聲金磬發古松南畔有僧家

傷張致秀才

銅梁劍閣幾區區十上探珠不見珠卞玉影沈沙草閣
驂騑聲斷隴城孤入關詞客秋懷友出戶孀妻曉望天
吳水楚山千萬里旅魂歸到故鄉無

題李少府別業

尋得仙家不姓梅馬嘶人語出塵埃竹和庭上春烟動
花帶溪頭曉露開繞岸白雲終日在傍松黃鶴有時來

何年亦作園基伴一到松間醉一回

贈楚公

魯聞半偈雪山中貝葉翻時理盡通般若恒添持戒力
落叉誰算念經功雲間曉日應難染海上虛舟自信風
長說滿庭花色好一枝紅且一枝空

贈王山人

紅藤一柱脚常輕日日緣溪入谷行山下有家身未老
竈前無火藥初成經秋少見閑人說帶雨多聞野鶴鳴
知到蓬萊難再訪問何方法得長生

庭竹

全五代詩

卷四

四

十

月籠翠葉秋承露風巧
永留寒色在庭前

與掃烟知道雪霜終不變

題常樂寺

桂冷香聞十里間殿
一片晴雲落後山

不似人寰日斜回首江頭望

送劉鍊師歸山

風急雲輕鶴背寒洞
何處烟飛是醮壇

天誰道却歸難千山萬水瀛洲路

酬舒公見寄

無客不言雲外見
文長遣世間知一聲松徑寒吟後

正是前山雪下時

巫山下作

細腰宮盡舊城摧神女歸山更不來
唯有楚江斜日裏至今猶自繞陽臺

杜光庭

光庭字聖立括蒼人應舉不中入天台山為道士
僖宗召見賜以紫服充麟德殿文章應制後隱
青城山白雲溪自稱東瀛子事蜀先主王建為
金紫光祿大夫封蔡國公為太子元膺師遷戶部
侍郎後王立加傳真天師崇真館大學士

年八十五卒葬於清都觀賜號廣成先生所著
有壺中集三十卷廣成集八十卷及洞天福地
武擔山記錄異記陰符經注東瀛子壩城集仙
錄青城山記崇道記混元圖傳受年載記元門
樞要等書共三十六卷

月辛酉又廬州劉真人碑記青城縣重修冲朝觀碑記雲昇宮廣雲科
尊師碑記三學山功德碑文曾光庭所撰是光庭居恒持騎龍杖一條
紅如猩肉重如玉石絕非藤竹所為相傳遇仙人留賜云又僧貫休好
排謔一日與光庭並轡道中貫休馬怒奔曠光庭連呼大師駭珠落
地貫休曰非數珠乃大還丹耳光庭有慙色錦繡萬花谷光庭詠
月句云銅壺滴瀉禁漏起三十六宮爭羨簾又斜陽杳岬歸鴉晚秋
水天低宿雁愁又霜凋菊徑秋蕪白雁下遙村落照黃人思威欲寄黃
丞相仁信先聞郭細候又兵亂此時來世上交星今日到人間降因天
下思姚宋出為儒門繼孔顏
特趨目域騎箕終擬躡星躔皆可備採

全唐詩話光庭有贈將軍詩云八衣順風驚雨露四溟隨劍息波濤手拂
北極鴻圖遠雲捲長天聖日高去會漢家青史上韓彭何處有功勞
欲首二句又中條靜觀侯道上昇處光庭題詩云松嶺留衣上玉霄
永傳異迹在中條不知揖徧諸仙否欲請還丹問昨宵蓋觀中舊
有道華詩有帖裏大還丹
昨宵謾喫却之句故云

紀道德 以下二首供一
言至十五言

道德清虛元默生帝先為聖則聽之不聞搏之不得至
德本無為人中多自惑在洗心而息慮亦知白而守黑
百姓日用而不知上士勤行而必克既鼓鑄於乾坤品
物信充仞乎東西南北三皇高拱兮任以自然五帝棄
衣兮修之不忒以心體之者為四海之主以身寧之者
為萬夫之特有皓齒青娥者為伐命之斧蘊竒謀廣智

者為盜國之賊曾未若軒后順風兮清靜自化曾未若
臯陶邁種兮溫恭允塞故可以越圓清方濁兮不始不
終何止乎居九流五常兮理家理國豈不聞乎天地於
道德也無以清寧豈不聞乎道德於天地也有踰繩墨
語不云乎仲尼有言朝聞道夕死可也所以垂萬古歷
百王不敢離之於頃刻

懷古今

古今感事傷心驚得喪歎浮沉風駈寒暑川注光陰始
銜朱顏麗俄悲白髮侵嗟四豪之不反痛七貴以難尋
夸父興懷於落照田文起怨於鳴琴雁足淒涼兮傳恨

緒鳳臺寂寞兮有遺音朔漠幽囚兮天長地久瀟湘隔
別兮水濶烟深誰能絕聖韜賢餐芝餌朮誰能含光遁
世鍊石燒金君不見屈大夫紉蘭而發諫君不見賈太
傅忌鵬而愁吟君不見四皓避秦莪莪戀商嶺君不見
二疏辭漢飄飄歸故林胡為乎冒進貪名踐危途與傾
轍胡為乎怙權恃寵頽華飾與雕簪吾所以思抗跡忘
機用虛無為模範吾所以思去奢滅慾保道德為規箴
不能勞神效蘇子張生兮於時而縱辯不能勞神效楊
朱墨翟兮揮涕以沾襟

福唐觀

卷五十四

前蜀

十四

曾隨雲水此山遊行盡層峯更上樓九月登臨須有意
七年岐路亦堪愁樹紅樹碧高低影烟淡烟濃遠近秋
暫熟爐香不須去佇陪天仗入神州

平益沼

勢壓長江空八陣吳都仙客此修真寒江向晚波濤急
深洞無風草木春江上玉人應可見洞中仙鹿已來馴
龍車鳳輦非難遇只要塵心早出塵

仙居觀

往歲真人朝玉皇四真三代住繁陽初開九鼎丹華熟
繼躡五雲天路長烟鎖翠嵐迷舊隱池凝寒鏡貯秋光

時從白鹿岩前往應許潛通不死鄉

初月

始看東上又西浮圓缺何曾得自由照物不能長似鏡
當天多是曲如鉤定無列宿敢爭耀好伴晴河相映流
直使奔波急於箭祇應白盡世間頭

題鴻都觀

亡吳霸越已功全深隱雲林始學仙鳶鶴自飄三蜀駕
波濤猶憶五湖船夔溪夜月明寒玉衆嶺秋空歛翠烟
也有扁舟歸去興故鄉東望思悠然

題都慶觀

三仙一一駕紅鸞仙去雲閑遠古壇煉藥舊臺空處所
掛衣喬木兩摧殘清風嶺接猿聲近白石溪涵水影寒
二十四峰皆古隱振纓長往亦何難

題鶴鳴山

五氣雲龍下泰清三天真客已功成人間回首山川小
天上凌雲劍佩輕花擁石壇何寂寞草平轍跡自分明
鹿裘高士如相遇不待岩前鶴有聲

題空明洞

宵然靈岫五雲深落翮標名振古今芝朮迎風香馥馥
松檉蔽日影森森從師祇擬尋司馬訪道終期謁奉林

欲問空明奇勝處地藏方石恰如金

題北平沼

桐柏真人曾此居焚香屋下誦靈書朝回時宴三山客
澗盡閑飛五色魚天柱一峰凝碧玉神燈千點散紅葉
寶芝常在知誰得好駕金蟾入太虛

題本竹觀

樓閣層層冠此山雕軒朱檻一躋攀碑刊古篆龍蛇動
洞接諸天日月閑帝子影堂香漠漠真人丹澗水潺潺
掃空獲竹今何在只恐投波去不還

題福唐觀

盤空躡翠到山巔竹殿雲樓勢逼天古洞草深微有路
舊碑文滅不知年八州物象通簷外萬里烟霞在目前
自是人間輕舉地何須蓬島訪真仙

題莫公臺

奇絕巍臺峙濁流古來人號小瀛洲路通霄漢雲迷晚
洞隱魚龍月浸秋舉首摘星河有浪自天圖畫筆無鈎
將軍悟却希夷訣贏得清名萬古流

題龍鵠山

抽得閑身伴瘦筇亂敲青碧喚蛟龍道人掃徑收松子
缺月初圓天柱峰

讀書臺

山中猶有讀書臺風掃晴嵐畫障開華月冰壺依舊在
青蓮居士幾時來

贈人

靜神凝思仰青冥此夕長天降瑞星海上昨聞鵬羽翼
人間初見鶴儀形

贈蜀州刺史

再扶日月歸行殿却領山河鎮夢刀從此雄名壓寰海
八溟爭敢起波濤

題劍門

誰運乾坤陶冶功鑄為瓊劍倚蒼穹題詩曾駐三天駕
礙日長含八海風

張令問

令問隱居天國山自號天國山人

寄杜光庭

試問朝中為宰相何如林下作神仙一壺美酒一爐藥
飽聽松風清晝眠

黃萬祐

萬祐蜀人

全唐詩話萬祐修道黔南無人之境累世常在每三二
十年一出成都賣藥言人災禍無不神驗蜀王建迎
入宮盡禮事之後堅辭歸山初萬祐辭建歸於听居壁間題此後至乙
亥年建師東取秦鳳諸州報捷之際宮內延火乃知乙亥是青緒為

焚熱之期也後三年歲在戊寅寅為鷓鴣獸干與納音俱為土
土黃色故云鷓鴣獸兩頭黃是年建祖故天下哭不差毫髮

題蜀宮壁

莫教牽動青緒足動即炎炎不可撲鷓鴣獸不欲兩頭黃
黃即其年天下哭

楊勛

勛自號僕射不知何許人

十國春秋勛能於空中請自然
還丹其丹立降又能召九天元
女后土夫人經宿而去後主以其妖妄折其一足戮之西市畢命時
詩言失國事不數歲國果亡唐明宗朝有術士楊遷即善使鬼神觸物
變化已而被誅
蓋勛後子也

畢命詩

聖主何曾識仲都可憐社稷在須臾市西便是神仙窟

全五代詩

卷四六

前蜀

六

何必乘槎泛五湖

爾朱先生

先生字通微號歸元子成都人

十國春秋先生唐末隱鍊於金鷄閣下石室居

以之有異人與藥一丸且戒曰子見浮石而服之仙道成矣自是遇石必投之水間視其浮沉人皆笑以為狂一日遊峽上有隻舫舟相待叩其姓氏對曰涪州石姓也遂豁然悟曰異人浮石之言斯其應乎川服藥輕舉而去先生有還丹歌傳于蜀中金唐詩話有胡二郎者嘗見一道士於成都醉卧通衢二郎憐之每值其醉輒取石支其首道士一日醒見二郎在傍感之因勸修道且歌以諷之二郎問為何人曰吾即爾朱先生也去不見二郎後亦得仙

示胡二郎歌

欲究丹砂理幽元無處尋不離鉛與汞無出水中金
欲鍊時須得水水遇土兮終不起但知火候不參差自

得還丹微妙旨人世分明知有死剛只留心戀朱紫豈
知光景片時間將謂人生長似此何不迴心師至道免
逐年光虛自老臨樽只解醉醺酣對鏡方知漸枯槁二
郎切切聽我語仙鄉咫尺無寒暑與君說盡只如斯莫
戀嬌奢不肯去感君恩義言方苦火急迴心求出路吟
成數句贈君辭不覺便成今與古

此詩句韻最奇不覺其如今與古
應酬合不首去短長與美言古昔人
前此吐詞安樂山嶽以入無兼最與
劉平夫並曰又前對九種物類雖詩
賦次景其神間辨能入主身如非不
野豈其始妙自入世今則味成我則
又

全五代詩卷四十七

羅江李調元雨村 編

前蜀

貫休

貫休字德隱俗姓姜氏蘭谿人七歲出家天復
中入益州王建禮遇之署號禪月大師或呼為
得得來和尚終於蜀年八十一初有西嶽集吳

融為序後弟子曇域更名寶月集古今詩話貫休唐昭宗以錢武肅平

董昌功拜鎮東軍節度使自稱吳越國王貫休投詩曰貴逼身心不自由幾年勤苦蹈林仰滿堂花醉三千客一劍霜寒十四州菜子衣裳宮錦窄謝公篇咏綺霞羞他年名上凌烟閣豈羨當時萬戶侯武肅愛其詩遣諭令改為四十州乃可相見答曰州亦難添詩亦難改開雲孤鶴



何天不可飛遂入蜀休卒于永平二年云孟誤也 五代史補僧貫休
 登州蘭溪人有逸才長於歌詩嘗遊荆南時成汭為荆南節度使生日
 有獻歌詩頌德者僅百餘人而貫休在焉汭不能親覽命幕吏鄭準定
 其高下準害其能輒以貫休為第三貫休怒曰準鑑如此其能久乎遂
 入蜀及至值王建稱藩因獻之詩云一瓶一鉢垂垂老千水千山得得
 來建大悅遽加禮待泊僭大號以為國師賜號曰禪月又大蜀高祖潛
 龍日獻詩陳情偈頌云有叟有叟居岳之室一詩見本集內 郡閣雅
 談貫休鍾陵人精於筆札荆州成汭問其筆札法休曰此事須登壇可
 授安可草草而言成令叩之乃遁於黔中因為病餓詩以見意曰見說
 氣清邪不入不知爾病自何來 十國春秋貫休復遊江陵王俊禮之
 會而謁宿者言時政不治乃作酷吏詞以刺之云霰雨澗澗云云王雖
 踈之而不甚罪焉 夢溪筆談温州鴈蕩山自古圖史不載按西域書
 云阿羅漢詰羅居震旦東南大海際鴈蕩山芙蓉龍湫唐貫休作詔
 矩羅贊云雁蕩經行雲漠漠龍湫宴坐雨濛濛此山南有芙蓉峰下有
 芙蓉驛前瞰大海山頂有大池相傳以為雁蕩有二潭以為龍湫又有
 經行峽宴坐峰皆以貫休詩得名也又十國春秋前蜀高祖王建命貫
 休誦近詩時貴戚滿座貫休欲諷之乃舉公子行曰錦衣鮮華手擎醴
 閑行氣貌多軒忽稔穉難難終不知五帝三王為何物高祖稱善貫休
 多怨之 山谷遠法師居廬山下持律精苦過中不受蜜湯而作詩換
 酒飲陶彭澤送客無貴賤不過虎溪而與陸道士行過虎溪數百步大

笑而別故禪月作詩云愛陶長官醉兀兀送陸道士行遲遲買酒過溪
 皆破戒斯何人斯師如斯故效之云留陶淵明把酒旋送陸修靜過虎
 溪胸次九流清似鏡以問萬事醉如泥 野客叢書曾直詩曰管城子
 無食肉相孔方兄有絕交書謂此體曾直創見僕謂不然唐詩此體甚
 多張祐曰賀知章口徒勞說孟浩然身更不願李益曰柳吳興近無消
 息張長公貧苦寂寥貫休曰郭尚父休誇塞北裝中令莫說淮西杜荀
 鶴曰卷一箔絲供釣線種千林竹作漁竿皆此句法也 法藏碎金李
 白廬山東林寺夜懷詩云天香生虛空天樂鳴不歇又貫休山居詩自
 古浮華能幾幾漸波終日去滔滔漢王廢苑生秋草吳主荒宮入夜濤
 滿屋黃金机不息一頭白髮氣猶高豈知知足金仙子霞外天香滿毳
 袍子因思勝境中當有自然清氣名曰天香自然清意名曰天樂子故
 以所聞靈響目為天簧亦取天籟之義此蓋惟變所適不可致詰也
 苦溪漁隱叢話東坡云唐末五代文章衰陋詩有貫休書有亞細村俗
 之氣大率相似如蘇子美家收藏張長史書云隔簾歌已俊對面貌彌
 精語既凡惡而字畫真亞細之流近見曾子固編李白詩有懷素草書
 歌及笑矣乎數篇皆貫休以下詞格 元溫日觀畫蒲萄跋舉世只知
 嗟逝水何人微解悟空花此貫休禪師佳句元溫日觀書之為策勸之
 端仍為駕龍鬚手後 夢溪筆談貫休富貴曲云刻成箏柱雁相挨此
 下里鬻彈者皆有之何足道哉常楚老云十幅紅綃 夜玉十幅綃為
 帳方不及四五尺不知如何伸脚此所謂不曾近富家兒 西溪叢語

大蜀高祖潛龍日獻陳情偈頌

有叟有叟居岳之室忽振金湯下彼岷嶽聞蜀風景地
寧得一富人侯王且與摩詰龍角日角紫氣盤屈揭日
月行符湯禹出天步艱難橫流犯蹕穆穆蜀俗整整師
律髯髮垂雪忠貞貫日四人蘇活萬里豐謐無雨不膏
有露皆滴有叟有叟無寔行實一瓶一衲既樸且質幸
蒙頌盼詞煖恩鬱軒鏡光中願如善吉

大蜀皇帝壽春節進堯銘舜頌二首

堯銘

金冊昭昭列聖孤標仲尼有言巍巍帝堯承天眷命罔
厥矜驕四德炎炎堦藁不凋水孚於休垂衣飄飄吾皇
則之小心翼翼秉陽亭毒不遑暇食土堦苔綠茅茨雨
滴君既天賦相亦天錫德輶金鏡以聖繼聖漢高將將
太宗兵柄吾皇則之日新德盛朽索六馬罔墜厥命熙
熙蓼蕭塊潤風調舞擎干羽囿入藟蕘既玉其葉亦金
其枝葉葉枝枝百工允釐享國如堯不疑不疑

舜頌

高高歷山有黍有粟皇皇大舜合堯元德五典克從四
門伊穆大道將行天下為公臨下有赫選賢用能吾皇
則之無斁無逸綏厥品彙三光得一千幅臨頂十在隨
蹕大哉大同為光為龍吾皇則之聖謀隆隆納隍孜孜
孜孜切切六宗是禋五瑞斯列排麟環鳳披香立雪四
夷納賚九圍有截昔救世師降生竺乾壽春亦然萬年
萬年

公子行

錦衣鮮華手擎鶻閑行氣貌多輕忽稼穡艱難慙不知
五帝三皇是何物

善哉行

有美一人兮婉如青揚識曲別音兮令姿煌煌繡袂捧
琴兮登君子堂如彼萱草兮使我憂忘欲贈之以紫玉
兮白銀銷久不見之兮湘水茫茫

陽春曲

為口莫學阮嗣宗不言是非非至公為手須似朱雲輩
折檻英風至今在男兒結髮事君親須教前賢多慷慨
歷數雍熙房與杜魏公姚公宋開府盡向天上仙宮閑
處坐何不却辭上帝下下土忍見蒼生苦苦苦

上留田

全五代詩

卷百七

前蜀

四

父不父兄不兄上留田螿賊生徒步岡淚崢嶸我欲使
諸凡鳥雀盡變為鶴鴿我欲使諸凡草木盡變為田荆
鄰人歌鄰人歌古風清清風生

萬里曲

兔不遲鳥更急但恐穆王八駿著鞭不及所以萬里墳
出戢戢氣凌雲天龍騰鳳集盡為風消土喫狐掇蟻拾
黃金不啼玉不泣白楊騷屑亂風愁月折碑石人莽穢
榛沒牛羊憲宰時見牧童兒弄枯骨

臨高臺

涼風吹遠念使我升高臺寧知數片雲不是舊山來故

人天一涯久客殊未迴雁來不得書空寄聲哀哀

古離別

離恨如旨酒古今飲皆醉只恐長江水盡是見女淚伊
余非此輩送人空把臂他日再相逢清風動天地

富貴曲

如神若仙似蘭同雪樂戒於極胡不知輟只欲更綴上
落花恨不能把住明月太山肉盡東海酒竭佳人醉唱
敲玉釵折寧知耘田車水翁日日炙背欲裂

野田黃雀行

高樹風多吹爾巢落深蒿葉暖宜爾依泊莫近鴟類蛛

網亦惡飲野田之清水食野田之黃粟深花中睡埽土
裏浴如此即全勝啄太倉之穀而更穿人之屋

陳宮詞

緬想當時宮闕盛荒晏椒房茂堯舜玉樹花歌百花裏
珊瑚窓中海日逆大臣來朝酒未醒酒醒忠諫多不聽
陳宮因此成野田耕人犁破宮人鏡

了仙謠

海中紫霧蓬萊島安期子喬去何早遊戲多騎白騏驎
鬚髮如銀未曾老亦留仙訣在人間齧鏃終言藥非道
始皇不得此深旨遠遣徐福生憂惱紫木黃精心上苗

大還小還行中寶若師方術棄心師浪似雪山何處討

循吏曲

上王使君

需宿需宿炳爛光合蒸蒸庶民鍾此多福自東自西自
南自北伊飛伊走乳乳良牧和氣無形春光自成大信
不信貽厥無朕需女需女爾亦須語使君為理元風震
古需女需女爾亦須語我願喙長三千里枕著玉階奏
明主

塞上曲

去年轉關陰山脚生得單于却放却今年深入于不毛
胡兵拔帳遺弓刀男兒須一作貴展平生志為國輸忠合天

地甲穿雖即失黃金
劔缺猶能生紫氣
塞草萋萋兵士苦
胡虜如今勿胡虜
封侯十萬始無心
玉關凱生入君看取

擬君子有所思二首

我愛正考甫思賢
作商頌我愛揚子雲
理亂皆如鳳振衣
中夜起露花香綺
旒撲碎驪龍明月珠
敲出鳳凰五色髓
陋巷蕭蕭風枿枿
一作浙想斯人勝珪璧
寂寥千載不相逢
無限區區盡虛擲
君不見沈約道佳人不在茲
春光為誰惜

安得龍猛筆點石為黃金

西嶽龍猛大士於硯中磨藥點石成金西天有龍猛金其色紫散為醴

更家使無貪殘心甘棠
密葉成翠幄欵鳳不來
天地塞所以傾城人
如今不可得

塞下曲

日向平沙出還向平沙沒
飛蓬落軍營驚鷓去
天末帝鄉青樓倚
霄漢歌吹掀天對花月
豈知塞上望鄉人
日隻眸滴清血

鼓腹曲

我昔不幸兮遭百羅
蒼蒼留我兮到好時
耳聞鐘鼓兮生豐肌
白髮却黑兮自不知
東鄰老人好吹笛
倉囤我幾穀多赤餅
紅鰕兮枿麩腊有酒
如濁醪兮呼我喫往

往醉倒潢汙之水邊兮人不識孰云六五帝兮四三皇
如夔如龍兮如龔黃吾不知此之言兮是何之言兮

邊上行

山無綠兮水無清風既毒兮沙亦腥胡兒走馬疾飛鳥
聯翩射落雲中聲

陣雲忽向沙中起探得胡兵過遼水堪嗟護塞征戍兒
未戰已疑身是鬼

義士行

先生先生不可遇愛平不正眉斗豎黃昏雨電空似鬻
別我不知何處去

戰城南

萬里桑乾傍茫茫古蕃壤將軍貌憔悴撫劍悲年長胡
兵尚陵逼久住亦非強邯鄲少年輩箇箇有伎倆拖槍
半夜去雪片大如掌

少年行

自拳五色裘迸入他人宅却捉蒼頭奴玉鞭打一百
面白如削玉猖狂曲江曲馬上黃金鞍適來新賭得

夢遊仙

三四仙女兒身著琴瑟衣手把明月珠打落金色梨
車渠地無塵行至瑤池濱森森椿樹下白龍來喚人

輕薄篇

繡林錦野春態相壓誰家少年馬蹄蹋蹋鬪鷄走狗夜
不歸一擲賭却如花妾誰云不顛不狂其名不彰悲夫

酷吏詞

霰雨潏潏風吼如斲有叟有叟暮投我宿吁歎自語云
太守酷如何如何掠脂幹肉吳姬唱一曲等閑破紅東
韓娥唱一曲錦段鮮照屋寧知一曲兩曲謔曾使千人
萬人哭不惟哭亦白其頭飢其族所以祥風不來和氣
不復蝗乎蝨乎東西南北

杞梁妻

秦之無道兮四海枯築長城兮遮北胡築人築土一萬
里杞梁貞婦啼嗚嗚上無父兮中無夫下無子兮孤復
孤一號城崩塞色苦再號杞梁骨出土疲魂飢魄相逐
歸陌上少年莫相非

長安道

憧憧合合八表一轍黃塵霧合車馬火熱名湯風雨利
輾霜雪千車萬馱半宿關月上有堯禹下有夔高紫氣
銀輪兮常覆金闕仙掌捧日兮濁河澄澈愚將草木兮
有言與華封人兮不別

洛陽塵

昔時昔時洛城人今作茫茫洛城塵我聞富有石季倫
樓臺五色干星辰樂如天樂日夜聞錦妹繡妾何紛紛
真珠簾中姑射神人文金線玉香成暮雲孫秀若不殺
晉室應更貧伊水削行路塚石花磷磷蒼茫金谷園牛
羊齧荆榛飛鳥好羽毛疑是綠珠身

茫茫曲

茫茫復茫茫滿眼皆埃塵莫言白髮多莖莖是愁筋不
達苦雕偽及達多不仁淺深與高低盡能生棘榛茫茫
四大愁殺人

白雪曲

列鼎佩金章淚眼看風枝却思食藜藿身作屠沽兒負
米無遠近所希升斗歸為人無貴賤莫學鷄狗肥斯言
如不忘別更無光輝斯言如或忘即安用人為

古鏡詞

我有一面鏡新磨似秋月上唯金膏香下狀驪龍窟等
閑不欲開醜者多不悅或問幾千年軒轅手中物

塞上曲

錦袷胡兜黑如漆騎羊上冰如箭疾蒲萄酒白雕腊紅
首帶根甜沙鼠出單于右臂何須斷天子昭昭本如日
一握鬢髮一握絲須知只為平戎術

行路難

君不見道傍廢井生古木本是驕奢貴人屋幾度美人
照影來素綆銀鉤濯纖玉雲飛雨散今如此繡閣雕甍
作荒谷沸渭笙歌君莫誇不應常是西家哭休說遺編
行者幾至竟終湏合天理敗他成此亦何功蘇張終作
多言鬼行路難行路難不在羊腸裏

君不見道傍樹有寄生枝青青鬱鬱同榮衰無情之物
尚如此為人不及還堪悲父歸墳兮未朝夕已分黃金
爭田宅高堂老母頭似霜心作教支淚常滴我聞忽如
負芒刺不獨為君空歎息古人尺布猶可縫潯陽義犬

令人憶寄言世上為人子孝義團圓莫如此若如此不
過死兮更何俟

君不見山高海深入不測古往今來轉青碧淺近輕浮
莫與交地卑只解生荆棘誰道黃金如糞土張耳陳餘
斷消息行路難行路難君自看

不會當時作天地剛有多般愚與知到頭還用真宰心
何如上下皆清氣大道冥冥不知處那堪頓得義和轡
義不義兮仁不仁擬學長生更容易負心為鑪復為火
緣木求魚應且止君不見燒金煉石古帝王鬼火熒熒
白楊裏

九有茫茫共堯日浪死虛生亦非一清淨元音竟不聞
花眼酒腸暗如漆或偶因片言隻字登第光二親又不
能獻可替否航要津口譚羲軒與周孔履行不及屠沽
人行路難行路難日暮途遠空悲歎

胡無人

霍嫖姚趙充國天子將之平朔漠肉胡之內燼胡帳幄
千里萬里唯留胡之空殼邊風蕭蕭榆葉初落殺氣晝
赤枯骨夜哭將軍既立殊勳遂有胡無人曲我聞之天
子富有四海德被無垠但令一物得所八表來賓亦何
必令彼胡無人

古塞下曲

古塞腥膻地胡兵聚如蠅寒鷗中髒石落在黃河水蒼
茫邏迤城枿枿賊氣興鑄金禱秋穹還擬相憑陵
白骨殘成塵飛入征人目黃雲忽變黑戰鬼作陣哭陰
風吼大漠火號出不得誰為天子前唱此邊城曲

古意

一雨火雲盡閉門心冥冥蘭花與芙蓉滿院同芳馨佳
人天一涯好鳥何嚶嚶我有隻白壁不羨于虞卿我有
徑寸珠別是天地精玩之室生白瀟洒身安輕只應天
上人見我隻眼明

陽鳥爍萬物草木懷春思茫茫塵上飛培壅名利根我
本是蓑笠幼知天子尊學為毛氏詩亦多直致言不慕
需臍類附勢同崩奔唯尋桃李蹊去去長者門

美人如遊龍被服金鴛鴦手把古刀尺在彼白玉堂文
章深掣曳珂佩鳴丁當好風吹桃花片片落銀床何妨
學羽翰遠逐朱鳥翔

乾坤有清氣散入詩人脾聖賢遺清風不在惡木枝千
人萬人中一人兩人知憶在東溪日花開葉落時幾擬
以黃金鑄作鍾子期

莫輕白雲白不與風雨會莫見守羊兒或是初平輩人

生非日月光輝豈常在一榮與一辱古今常相對不見
于公門子孫好冠蓋

古交如真金百煉色不回今交如暴流儵忽生塵埃我
願君子氣散為青松栽我恐荆棘花只為小人開傷心
復傷心吟上高高臺

常思謝康樂文章有神力是何清風清凜然似相識一
種為頑器得作翻經石一種為枯槁得作登山屐永嘉
為郡後山水添鮮碧何當學羽翰一去觀遺跡

憶在山中時丹桂花葳蕤紅泉浸瑤草白日生華滋箬
屋開地鑪翠墻挂藤衣看經竹窓邊白猿三兩枝東峰

有老人眼碧頭骨竒種確煮白石肯趣如嬰見月上來
打門月落方始歸授我微妙訣恬澹無所為別來六七
年只恐白日飛

擬齊梁酬所見贈

美如仙鼎金清如織手琴孫登嘯一聲縹緲不可尋但
覺神洋洋如入三昧林釋手後在手古意深復深慚無
英瓊瑤何以酬知音

清氣生滄洲殘雲落林藪放鶴久不歸不知更歸否支
策到江湄江臯木葉飛自憐為客遠還如鶴遶枝南枝
復北枝玉露沾毛衣

靜只焚香坐詠懷悲歲闌佳人忽有贈滿手紅瑯玕不
獨耀肌魄將行為羽翰酬如上青天風雪空漫漫
果熟無低枝芳香入屏幄故人久不來萱草何離離苦
吟齋視減更被杉風吹獨賴湖上翁時為烹露葵

擬齊梁體寄馮使君三首

庭鳥多好音相呼灌木中竹房更何有便如鳥巢空賴
逢故人侯真東晉謝公煌煌發令姿珂珮鳴丁冬故山
有深霞未如旌旗紅慚非衛霍松何以當清風
露益蟬聲長蕙蘭垂紫蒂清吟待明月孤雲忽為蓋伊
余石林人本是燒畬輩頻接謝公棊輸多未曾賽

大道貴無心聖賢為始慕秋空共澄潔美玉同貞素偉
哉桐江守雌黃出金口為文能廢興談道弭空有雪林
槁枯者坐石聽亦久還疑紫磨身成居靈運後

偶作

誰信心火多多能焚大國誰信鬚上絲莖莖出蠶腹嘗
聞養蠶婦未曉上桑樹下樹畏蠶飢見啼亦不顧二春
膏血盡豈止應王賦如何酷吏酷盡為搜將去蠶蛾為
蝶飛偽葉空滿枝冤梭與恨機一見一霑衣

君子稱一善馨香遍九垓小人妬一善處處生嫌猜口
如暴死人鐵尺拗不開狼莠蝕田髓積陰成冬雷因知

咋舌人千古空悠哉

新詩一千首古錦初下機除月與鬼神別未有人知子
期去不返浩浩良不悲不知天地間知者復是誰

門前數枝路路車馬鳴名埃與利塵千里萬里行只
見青山高豈知青山平未門勢峨峨冠蓋何光明黃鳥
在花裏青蟬奪其聲爾生非金玉豈常貴復貞寄言之
子心可以歸無形

過葉進士

文章擬真宰儀冠冷如壁山寺偶相逢眼青勝山色氣
隆多慷慨語澹無他力金繩殘果落竹閣涼雨滴自媿

龍鍾人見此冲天翼

寄杜使君

清晨捲珠簾盥漱香滿室杉松經雪後別有精彩出琅
函芙蓉書開之向堦日好鳥常鮮來孤雲偶相失有時
作章句氣概還鮮逸茫茫世情事誰人愛真寔清高慕
元度宴默攀道一殘磬隔風林微陽解冰筆亦知休明
代諒無經濟術門前九箇峰終擬為文乞

書陳處士陶屋壁二首

有叟傲堯日髮白肌膚紅妻子亦讀書種蘭清溪東白
雲有奇色紫桂含天風即應迎鶴書肯羨於洞洪

高步前山前高歌北山北數載寄柑橙山嶺近云足新
詩不將出往往僧乞得唯云李太白亦是偷桃賊吟狂
鬼神走酒醞天地曷青芻生階陰擷之束成束

寄王滌

梅月多開戶衣裳潤欲滴寂寥雖無形不是小讐敵地
虛草木壯雨白桃李赤永日無人來庭花苦狼籍吟高
好鳥覩風靜茶烟直唯思菜子來衣拖五般色

上杜使君

為魚須處海為木須在岳一登君子堂頓覺心寥廓右
聽青女鏡左聽宣尼鐸政術似蒲盧詩情出冲漠從來

苦清苦近更加澹薄訟庭何所有一隻兩隻鶴煙霞色
擁墻禾黍香侵郭嚴霜與美雨皆從二天落蒼生苦瘡
痍如何盡消削聖君新雨露更作誰恩渥即捉五色筆
密勿金鑿角即同房社手把乾坤橐籥休說卜圭峰開
門對林壑

上裴大夫

我有白雲琴撲斲天地精俚耳不使聞慮同衆樂聽指
指法仙法聲聲聖人聲一彈四時和再彈中古清庭前
梧桐枝颯颯南風生還希師曠懷見我心不輕

上盧少卿覓千文

荆山有美玉含華尚炳爛堪為聖君璽堪為聖君案草
木潤不彫烟霞覆不散野人到山下仰視星辰畔倘或
如粟黃保之上霄漢

謝盧少卿惠千文

廬山有石鏡高倚無塵垢晝景分烟蘿夜魄侵星斗苞
含物象列搜照魚龍吼寄謝天地間毫端皆我有

讀唐史

我愛李景伯內宴執良規君臣道昭彰天顏終熙怡大
籛怕清風糠粃繚亂飛洪鑪烹五金黃金終自竒大哉
為忠臣捨此何所之

全五代詩
卷之二
前
六

上顧大夫

碧海漾仙洲
驪珠外無寶
一岳倚青冥
羣山盡如草
君侯聖朝瑞
動只闕元造
誰云倚天劍
含霜在懷抱
誰云青雲險
門前是平道
洪民亦何幸
里巷清如掃
至化無經綸
至神無祝禱
即應炳文柄
孤平去浩浩
即應調鼎味
比屋堪封保
野人慕正化
來自海邊島
經傳髻裏珠
詩學池中藻
閑門十餘載
庭杉共枯槁
今朝投至鑿
得不傾肝腦
斯文如未精
歸山更探討

寄令狐郎中

雨打繁暑盡
放懷步微涼
綠苔狂似人
入我白玉堂
塹

鳥眠堪画庭
檉夜益香惟
應藥宮子時
到虎溪傍

聞無相道人順世四首

自昔尋師日
顛峰絕頂頭
雖聞不相似
特地使人愁
庭樹雪催殘
上有白獼猴
大哉法中龍
去去不可留
常思將道者
高論地鑪傍
迂談無世味
夜深山木僵
下山遭離亂
多病惟深藏
一別三十年
烟水空茫茫
石霜既順世
吾師亦不住
杉桂有猩猩
糠粃無句句
上肥多孟巖
道老如嬰孺
莫比優曇花
斯人更難遇
百千萬億偈
共他勿交涉
所以那老人
密傳與迦葉
吾師得此法
不論劫不劫
去矣不可留
無蹤若為躡

贈許徵君

畫公友秦奚來往蹋溪雲如今又到我還愛許徵君落花鳥銜來永日香氣氲終期將爾曹歸去麋鹿羣

（Faint bleed-through text from the reverse side of the page, including characters like 山、畫、公、友、秦、奚、來、往、蹋、溪、雲、如、今、又、到、我、還、愛、許、徵、君、落、花、鳥、銜、來、永、日、香、氣、氲、終、期、將、爾、曹、歸、去、麋、鹿、羣）

全五代詩卷四十八

羅江李調元雨村編

前蜀

貫休二

古意

常思李太白仙筆驅造化元宗致之七寶床虎殿龍樓無不可一朝力士脫靴後玉上青蠅生一箇紫皇殿前五色麟忽然掣斷黃金鎖五湖大浪如銀山滿船載酒搗鼓過賀老成異物顛狂誰敢和寧知江邊墳不是猶醉卧

古意代友人投所知

青松雖有花有花不如無貧井泉雖清且無金轆轤客
從遠方來遺我古銅鏡挂之玉堂上如對軒轅聖天龍
睡坤腹土蝕金鬣綠因知燕趙佳人顏似玉不得此鏡
終不出

偶作

機生機巧生巧心鑊烘烘日煎炒闖蜀眉頻遊海島扶
桑椹熟金烏飽金烏飽飛復飛四天下人眼眙眙
孰云我輕薄石頑如何喚作玉孰云我是非隨邪逐惡
又爭得古人終不事悠悠一言道合死即休豈不見大

鵬點翼蓋十洲是何之物嗚啾啾

君子食即食何必在珍華小人食不食縱食如泥沙清
歌且莫唱妙舞亦休誇爾非鳳炙麒麟肉焉能一挂於
齒牙去來去來歸去來紅泉正洒芙蓉霞

君不見金陵風臺月榭烟霞光如今五里十里野火燒
茫茫君不見西施綠珠顏色何傾國樂極悲來留不得
君不見漢王力盡得乾坤如何秋雨灑廟門銅臺老樹
作精魅金谷野狐多子孫笑許繁華幾更改唯有堯舜
周召卬軻似長在坐看樓閣成邱墟莫話桑田變成海
吾有清涼雪山雪天上人間常皎潔茫茫慾火欲燒人

惆悵無因為君說

漁家

赤蘆葢屋低壓恰沙漲柴門水浪疊黃鷄青犬花蒙籠
漁女漁兒掃風葉有隻相逢帶秋醉自拔船樁色無愧
前山脚下得魚多惡浪堆中盡頭睡但得忘筌心自樂
肯羨前賢釣清渭終須画取挂秋堂與爾為鄰有深意

田家作

田家老翁無可作晝甑蒸梨香漠漠只向埭前曝背眠
赤桑大葉時時落古塹侵門桃竹密倉囤峨峨欲遮日
自云孫子解耕耘四五年來腹多寔我聞此語心自悲

世上悠悠豈得知稼而不穡徒爾為

甘雨應祈

春雨偶愆期草木亦未覺君侯不遑處退食或閉閣東
海浪滔滔西江波漠漠得不願身為大虬金其角玉其
甲一吸再呷雲平霧匝華暢九有清傾六合使不蘇者
蘇不足者足情通上元如膏綿綿有隻有隻鼓腹歌於
道邊歌曰黍苗芃芃兮鷓鴣飛日出而作兮日入歸如
彼草木兮雨露肥古人三樂兮我樂多之天之成兮地
之平兮柘系黃兮瓠葉青兮乳女啼兮蒸黍馨兮炙背
捫虱兮復何經營兮

對月作

今人看此月古人看此月如何古人心難向今人說古
人求祿以及親及親如之何忠孝為朱輪今人求祿惟
庇身庇身如之何惡木多斜文斜文復斜文顛躓何紛
紛

江邊祠

松森森江渾渾江邊古祠空閉門精靈應醉社日酒白
龜咬斷菖蒲根花殘冷紅宿雨滴土龍甲濕鬼眼赤天
符早晚下空碧昨夜前村行霹靂

觀懷素草書歌

張顛顛後顛非顛直至懷素之顛始是顛師不譚經不
說禪筋力唯於草書朽顛狂却恐是神仙有神助兮人
莫及鐵石畫兮墨湏入金尊竹葉數斗餘半斜半傾山
衲濕醉來把筆狎如虎粉壁素屏不問主亂擘亂抹無
規矩羅刹石上坐伍子胥崩通八字立對漢高祖勢崩
騰兮不可止天機暗轉鋒銜閃雷光邊霹靂飛古栢
身中淖龍死駭人心兮目眩暝頓人足兮神辟易乍如
沙場大戰後斷槍斃箭皆狼籍又似深山怪石上古病
松枝掛鐵錫月兔筆天竈墨斜鑿黃金側剗玉珊瑚枝
長大如東天馬驕倖不可勒東却西南又北倒又起斷

復續忽如鄂公唱住單雄信秦王肩上剔著東木槩懷
素師懷素師若不是星辰降瑞即必是河岳孕靈固宜
須冷笑逸少爭得不心醉伯英天台古杉一千尺崖崩
剗折何崢嶸或細微仙衣半拆金線垂或妍媚桃花半
紅公子醉我恐山為墨兮磨海水天與筆兮書大地乃
能畧展狂僧意常恨與師不相識一見此書空歎息伊
昔張渭任華葉季良數子贈歌詩豈虛飾所不足者渾未
曾道著其神力石橋被燒却良玉不土蝕錐畫沙兮印
印泥世人世人爭得測知師雄名在世間明月清風有
何極

杜侯行 并序

愚自江東兵荒之後受杜氏兄弟深知往魯見
陳陶與撫州蔡京使君雜言曰蔡氏行今亦擬
之曰杜侯行云耳

天目連天搏秀氣崢嶸作起新城地德門鍾秀光盛時
三虎八龍皆世瑞頃者天厯亂下鯨翻海烽火崩騰照
行在江表惟傳君子營劍衝牛斗疏真宰金昆玉季輕
三鼓煮海懸魚臣節苦鴈影參差入瑞烟荆花燦爛開
仙圃我聞大中咸通真令主相惟大杜兼小杜但能致
君活國濟生人亦何必須踏金梯折桂樹宣宗懿宗調

舜琴大杜小杜為殷霖出將入相兮功德深生人受賜
兮直至今杜侯兄弟繼之後璞玉渾金美騰口常言一
呼百萬何足云終取封侯之印大如斗恭聞吾皇似堯
禹搜索賢良皆面覩杜侯杜侯君倘修令德克有終即
必還為大杜兼小杜人之戴兮天筆註國之福兮天固
祚四海無波八表臣如今而後君看取

山中作

山為水精宮藉花無塵埃狂吟兵似動筆落天瓊環伊
余自樂道不論才不才有時鬼笑兩三聲疑是大謝小
謝李白來

詔光大師草書歌

雪壓千峯橫枕上窮困雖多還激壯者師逸蹟兩相宜
高遶歌行李白詩海上驚驅山猛燒吹斷狂烟著沙草
江樓曾見落星石幾回試發將軍砲別有寒鷗掠絕壁
提上元猿再空力又見吳中磨角采舞梨盤刀初觸擊
好文天子揮宸翰御製本多推玉案晨開水殿教題壁
題罷紫衣親籠錫僧家愛詩自拘束僧家愛畫亦局促
唯師草聖藝偏高一掬山泉心便足

書匡山老僧菴

篔簹紅實好鳥語銀鬢瘦僧貌如祖香烟澹澹衣上聚

冥心縹緲入鐵圍白麈作夢枕藤屨東峯山媪貢瓜乳
讀顧况歌行

雪泥露金水滴瓦楓檉火著僧留坐忽覩逋翁一軸歌
始覺詩魔辜負我花飛飛雪霏霏三珠樹曉珠纍纍妖
狐爬出西子骨雷車拶破織女機憶昔鄱陽寺中見一
碣逋翁詞兮逋翁札庾翼未伏王右軍李白不知誰擬
殺別別若非仙眼應難別不可說不可說離亂離離應
打折

讀離騷經

湘江濱湘江濱蘭紅芷白波如眼終須一去呼湘君問

湘君雲中君不知何以交靈均我恐湘江之魚兮死後
盡為人曾食靈均之肉兮箇箇為忠臣又想靈均之骨
兮終不曲千年波底色如玉誰能入水少取得香沐函
題貢上國貢上國即全勝和璞懸瓊垂棘結綠

還舉人歌行卷

厚於鐵圍山上鐵薄似雙成仙體纈蜀機鳳雛動蹙蹙
珊瑚枝枝撐著月王愷家中藏難掘顏回飢儻愁天雪
古松直筆雷不折雪衣女啄蟠桃缺珮入龍宮步遲遲
繡簾銀殿何參差即不知驪龍失珠知不知

春晚書山家屋壁二首

柴門寂寂黍飯馨山家烟火春雨晴庭花濛濛水泠泠
小兒啼索樹上鶯
水香塘黑蒲葦綠鷺鴦鷓鴣如家禽前村後龍桑柘深
東鄰西舍無相侵蠶娘洗繭前溪綠牧童吹笛和衣浴
山翁留我宿又宿笑指西坡瓜豆熟

懷張為周朴

張周二夫子詩好人太癖更不過嶺來如今頭盡白人
傳禹力不到處河聲流向西周又到處即閉戶逢君方
展眉張不知是不是若是即大奇我又聞二公心與人
不同一生常在寂寞中有時狂吟入僧宅錦囊烏帝荔

枝紅有時冥搜海山腦珊瑚杖動日杲杲聖君在上知
不知赤面濁醪許多好

寒日送元道士入天台

之子逍遙塵世薄格淡於雲語如鶴相見惟談海上山
碧側青斜冷相帶芒鞋竹杖寒凍時玉霄忽去非有期
僮擔赤籠密雲裏世上無人留得之想入紅霞路深邃
孤峰縱嘯仙飈起星精聚觀泣海鬼月湧薄烟花點水
送君丁寧有深旨好尋佛窟遊銀地佛窟銀地皆天台雲境也雪眉衲僧
皆正氣伊昔貞白先生同此意若得神聖之藥即莫忘
遂相寄

送顥雅禪師

霜鋒擗石鳥雀聚帆凍陰飈吹不舉芬陀利香釋麟虎
幡幢冒雪爭迎取春光主芙蓉堂窄堆花乳手提金桴
打金鼓天花娉婷下如雨後覩座上獅子語苦却樂樂
却苦壚至黃金忽如土

送楊秀才

北山峨峨香拂拂翠漲青奔勢巉崿赤松君宅在其中
紫金為墻珠作室玻璃門外仙傲睡幢節森森絳烟密
水精簾捲桃花開文錦娉婷衆非一撫長離坎峇鼓花
姑吹簫弄玉起舞三萬八千為半日海涸鼇枯等閒觀

愛共安期茶苦識彭祖丹有時朝玉京紅雲擁金虎石
橋亦是神仙柱白鳳飛來又飛去五雲縹緲羽翼高世
人仰望心空勞

別杜將軍

伊余本是胡為者採蕈鋤茶在窮野偶披蓑笠事空王
餘力為文擬何謝少年心在青雲端知音滿地皆龍鷲
遽逢天步艱難日深藏溪谷空長歎偶出重圍遇英哲
留我江樓經歲月身偃玉帳香滿衣夢歷金盆金華山最高處雨
和雪東風來兮歌式微深雲道人召來歸燕辭大廈兮
將何為濛濛花雨兮鶯飛飛一汀楊柳同依依

春野作

牛兒小牛女少拋牛沙上岡百草鉏隴老人又太老薄
烟漠漠覆桑棗

泊秋江

岸如洞庭山似剡船漾清溪涼勝簟月白風高不得眠
枯葦叢邊釣師覓

嘲商客

葦蕭蕭風撼撼落日江頭何處客斜倚帆檣不喚人五
湖浪向心中白

深山逢老僧二首

衲衣線麤心似月自把短鋤鋤楸枿青石溪邊踏葉行
數片雲隨兩眉雪

山童貌頽名乞乞放火烧畬采厓蜜擔頭何須帶山香
一籬白葦一籬栗

懷二三朝友

傷心復傷心流光似飛電有惠驪龍十斛珠不如一見
君子面愁人復愁人滿眼皆埃塵有惠黃金一萬斤不
如一見仁人身我昔讀詩書如今盡拋也只記得田叔
孟温舒帝王滿口稱長者

宿深村

行行一宿深村裏鷄犬豐年鬧如市黃昏見客合家喜
月下取魚岸塘水

送越將歸會稽

面如玉盤身八尺燕語清猗戰袍窄古嶽龍腥一匣霜
江上相逢隻眼碧冉冉春光方婉婉黯然別我歸稽嶽
他年必帥邯鄲兒與我殺輕班定遠

樵叟

樵父貌飢帶塵土自言一生苦寒暑擔頭擔箇赤塗甕
斜陽獨入濛籠塢

寄高員外

冷冽蒼黃風似劈雪骨冰筋滿瑶席庭松流汗相抵喫
霜絮重裘大無力孤峰地鑪燒白榼龐眉道者應相憶
倏忽維陽歲云暮寂寥不覺成章句惟應將寄藥珠宮
禪刹雲深一來否

苦熱寄赤松道者

天雲如燒人如炙天地鑪中更何道蟬喘雷乾水井融
此子清風有何益守羊真人聃之役高吟招隱倚碧壁
紫氣紅烟鮮的的澗茗園瓜麩塵色驕冷奢涼合相憶

村行遇獵

獵師紛紛走榛莽女亦相隨把弓矢南北東西盡殺心

斷燒殘雲在圍裏鵲拂荒田兔成血竿打黃茅雉驚起
傷嗟箇輩亦是人一生將此闕身已我聞天地之大德
曰生又聞萬事皆天意何遣此人又如此猶更願天公
一丈雪深山麋鹿盡凍死

經曠禪師院

吾師楞伽山中人氣岸古淡僧麒麟曹溪老兄一與語
金玉聲利泥棄唾委兀兀如頑雲驪珠兮固難價其價
靈芝兮何以根其根真貌枯槁言樸略衲衣爛黑燒嶽
痕憶十四五年前苦寒節禮師問師楞伽月此時師
握玉麈尾報我却云非日月一敲粉碎狂性歇庭松無

韻冷撼骨搔窗擦簷數枝雪邇來流浪于吳越一片閑
雲空皎潔再來尋師已蟬蛻蒼葛枝枯醴泉竭水檀香
火遺影在甘露松枝月中折寶師往日真隱心今日不
能墮隻血

送僧入馬頭山

馬頭寶峰秀塞寒空有叟有叟真隱其中無味醍醐亦
非般若白趾碧目數百瀟灑苦竹大於杉白熊卧如馬
金鐘撼壑布水噴瓦芙蓉堂開峰月入岳精蹋雪立屋
下伊余解攀緣已是非常者更有叟獨往來與我語情
無剛彊氣透今古竹笠援補芒鞋藤乳北風倒人乾雪

不聚滿頭霜雪湯雪去湯雪去無人及空望真氣江上
立

和楊使君遊赤松山

為郡三星無一事龔黃意外板喬松日邊揚歷不爭路
雲外苔蘚須留蹤溪月未落漏滴滴隼旗已入山重重
桐蘿蓋輸山屐伴駐旆不見朝霞濃乳後劇點挂險樹
露木翠脆生諸峰初平謝公道非遠黯然物外心相逢
石羊依稀斲瑤草桃花彷彿開仙宮終當歸補吾君袞
好山好水那相容

秋夜曲

蟋蟀切切風騷騷芙蓉噴香蟾蜍高孤燈耿耿征婦勞
更深撲落金錯刀

送盧舍人

勸君不用登峴首山讀羊祜碑男兒事業須自竒此碑
山頭如日月日月照人人不知人不知青山白雲徒爾
為

勸君登商山不用覓商山皓雲深雪深騾馬倒我願終
南太華變為金吾后見之不為寶我願九州四海紙幅
幅與君為諫草使躡高踐夔逢軒見緯日環五色是物
得老如此即商山皓商山皓君不用討他他必來相討



